

19

中國名山勝蹟志叢刊
沈雲龍教授主編

莫干山志

周慶雲輯

文海出版社

中國名山勝蹟志 第二輯

沈雲龍主編

莫干山志

周慶雲輯

文海出版社
有限公司印行

丙寅羣開
中卯春工

序

古之大夫九能其一曰登高能賦中古以來如伯益之
山海經周公之王城錄穆天子傳蓋游履所至莫不有
書以述其事古人不自暇逸也如是他如莊子之記漢
陰抱甕呂梁園流古必有其書而莊子得撫以爲說則
呂覽淮南亦可例知矣近世謝康樂之山居志自述其
園居之勝羊銜之伽藍記述洛都之勝李格非洛陽名
園記則覘洛陽盛衰皆見稱史乘記吳興山水者有山
謙之山墟名陸羽顧渚山記近徵物產遠禪地志非苟
作也游泳文墨以通於政事正合大夫九能之義吾友

烏程周君夢坡淹雅多文勤於纂述其綜覈鹽筴也成
鹽法志百卷游杭則有靈峯寺志秋雪庵志建詞人祠
又爲考其姓氏爲一書游藝於琴有琴書存目之輯於
金石有古鉅印存之輯詠金石詩續古誌石華皆將次
第成書於其鄉有南潯志南潯文錄茲結別廬於莫干
山爲逍暑之所復纂成莫干山志十三卷豈非登高能
賦足備九能之選乎獨惜數厄陽九僅游於藝文不獲
大展以潤生民耳然天下多故相需未嘗不殷每遇公
益則贊助災歉則補助與夫施藥施衣放生慈善之事
莫不分潤以扶顛連之民布金以結福田之益蓋以周

餘遺民而能補王政之窮彌氣數之憾是又末劫度生之寶筏也其及民之澤不更宏乎當戰國時有陶朱公魯仲連秦楚之際有巴人清南北朝之際有廉富雋修羅輩至明末有杭人張文嘉皆以仗義能施稱古今相望不過數人夢坡獨能爲善於不報之時立義於泯棼之後爲古人所難而與之頡頏吾是以服其能賦之才又高其義行之卓也因序所懷而連類及之至莫千山風物之美水品之佳建置之本末自序盡之矣更不贅及云歲在丙寅十二月嘉興金蓉鏡書於晨風廬

序

予於癸亥之夏追暑莫干山番禺潘蘭史徵君貽書謂
顧甯人遊十三陵遂作昌平州志黃香石寓京師虎坊
橋乃作虎坊雜志蓋期望鄙人纂輯山志以稔遊者予
因行篋無書可采未著一字次年夏復至山中則稍攜
綫訂本掇拾舊聞並采新知擬定大綱分爲十三卷迨
秋風飄忽戰雲四起匆率下山又復擱置今夏重爲整
理有外交之記載而後知山志之作不可緩也廬山非
荒渺之地乃屈一教士之橫議遂以牯嶺爲九十九年
租借地北戴河爲春秋時孤竹國遺址因築路工師之

建屋於西聯峯乃於關秦皇島爲商港時並北戴河亦
遂爲外人居留地若雞公山爲鄂豫教會中人避暑時
有所建築占地九百二十三畝卒爲兩省大吏交涉估
價收回差強人意此光緒三十四年事也而我省莫干
山宣統三年巡撫增韞曾令交涉司王豐鎬赴滬與各
國領事作一度之商議甫就緒而易世矣甲子踵前議
而江浙戰事以起然武康歸安兩縣已購置一千九百
餘畝此後不能再有發展且入山遊歷必須領有護照
照約履行談外交者其庶幾乎竊謂夏令避暑我國視
爲嫺雅之事高貴者偶爲之而外人則不然雖普通經

商亦往往擇地遠遊且有所建築今風氣漸及於我國莫干在周時因吳王鑄劍而得名峯巒矗立高可插天有時雷鳴腳底雲起甕中有時天外泉飛枕邊瀑落晨起則汗流揮扇向晚則衣薄裝棉東坡所謂不識廬山眞面目非眞不識也蓋瞬息干變皆以風雲爲轉移莫干亦如之山皆栽竹高者低者大者小者各以類聚連山接境何止渭川千畝此則廬山北戴河雞公山所不及宜遊屐所經爲中外人士心追而目注也夫丙寅八月下浣周慶雲序於海上晨風廬

莫干山志例言

一山志之輯備游覽資考證莫干向無專志而縣志自道光九年邑令疏修輯後迄今已近百年無續志之可徵距省志之輯年代更遙郡志在光緒中葉雖有纂輯而於山陬僻壤亦鮮有發明則志之成書更難檢閱今古典籍所載鱗爪而已然摭采必求其翔實附會則闕以嚴辭輯其所知而已

一山志界綫關於武康歸安兩縣不易畫定西人避暑會創一輿圖商務書館浙路公司各繪一圖皆不出避暑會之圖之範圍而其山名與舊志往往

不同且有西人譯音者其新築路名或冠以西人姓氏或標以公區名義然亦不能傳播山中此志界綫依以上各圖而出入之光緒二十年間浙江輿圖局所繪之圖最近最確爰將武康歸安兩縣區域畫定擇要分註山名與村莊寺廟橋梁俾按圖索驥一覽了然

一莫干山一總名耳其主峰屬於何處言人人殊西方教士於光緒二十四年卜築山中一時風從雲集闢作奧區論者比於廬山北戴河雞公山以故層樓林立儼然一消夏灣矣西人輒繪一圖稱主

要山在山居隴上之營盤山及蔭山左近然皆非
是竊嘗考之今之塔山卽其主峰詳山水門

一此志分疆域市村山水祠墓局所橋梁寺廟勝蹟
金石物產人物藝文雜著爲十三卷

--	--	--	--	--	--	--	--	--	--

題辭

番愚潘飛聲蘭史

莫干夜氣走崢嶸竹外芙蓉朶朶生
遠溯防風來建國誰邀東野共題名
劍池虎阜尋原委瀑布廬山付品評
一卷道書成巨子真令石破與天驚

迂迴叢篠抱溪圓高下雲房壓樹偏
入室軒窗對濠濮卷幰枕簟席風泉呼來石友皆成畫攜到梅妻亦號仙
君是羗山沈麟士渾忘八十著書年

石門沈焜醉愚

夢翁貽我莫干志旁搜博采談何易
天池石壁天泉泉

惜我當年半未至眼底縱橫萬境開翦鐙細讀重徘徊
揮豪掃盡烏焉字忘卻沈沈玉漏催滿江烽火連瓜步
封禺山色青如故赤日行天暑不知好向琅玕深處去
某峯某嶺補遊蹤一宿蘧廬萬念空紅塵驅出白雲外
綠竹收入青亭中我家世德東村沈織簾未乏篔簹品
願把潯溪換阜溪避兵僻壤從高枕

丹徒戴振聲鶴舛

秋雪靈峯外別饒山水緣新編十三卷遠溯二千年邱
壑羅胸富煙雲起腕妍憑君大手筆畫破劍池天

勝境開吳越仙踪紀莫千百靈蘊神祕一徑入高寒其